

vnd ergosse sich das Wasser sehr reichlich.  
Da hat ich die Ration, so mit der Cogni-  
tion allda war/ daß sie mir sagen wolte dies-  
ses Brunnens / sampt seiner fruchtbaren  
schönen Außflüsse/bedeutung/vnd weme zu-  
gehörete der ganze von allen seiten mit wol-  
riechenden Blumenwerck / Brunnen vnd  
fliessenden Wassern wol eingefaste Umb-  
kreiß/dergleichen ich zuvor nie gesehen hatte.  
Sie gabe mir zur Antwort/daß ich das jez-  
nige / darnach ich so groß verlangen trüge/  
bald vernemen solte / vnd sprach: In dieser  
Brunnenquellen ist etwas herrliches bez-  
schlossen/wer solches recht kenne/der wür-  
de es vber alle andere Ding lieben / würde es  
auch suchen / vnd wenn ers gefunden / in die  
Erden sencken / alßdenn zu einem subtilen  
Staub trucken machen / darnach zurück in  
sein Wasser auffschliessen wolte/jedech daß  
zuorn die Theil getheilet / vnd hernacher  
wiederumb zusammen gesezet / auch die Er-  
de in ihrem Wasser / welches ihre Ernähre-  
rin ist/gefäulet würde/so würde daraus eine  
Jungfraw/die von beyden Brüsten Früchte  
gebe/ erwachsen/doch müst die fäule oder das  
vnreine von ihr vnd ihrer Frucht genommen